

450913

44.358
XWL

44.358
XWL

谢天童自写诗卷



B948
X54b

595

謝無量著

佛學大綱

江蘇廣陵古籍刻印社



A0814149

蘇學
解
PDG

佛 学 大 纲

谢无量 著

江苏广陵古籍刻印社 出版发行

(扬州市凤凰桥街24—6号)

金坛市古籍精装印务有限公司印装

开本 850×1168 毫米 1/32 印张:15.25

1994年10月第1版 1997年3月第2次印刷

印数:501—1,500册

广陵编号:143

定价:28.00元

佛學大綱

卷上

序論

第一章 釋迦本行記

第一節 佛教之淵源及釋迦之種姓

今所謂佛者。是佛陀 *Buddha* 之省稱。翻譯名義曰。大論云。秦言知者。知過去未來現在。衆生非衆生數。有常無常等。一切諸法。菩提樹下。了了覺知。故名佛陀。後漢郊祀志曰。佛者。漢言覺也。覺具三義。一者自覺。悟性真常。了惑虛妄。二者覺他。運無緣慈。度有情界。三者覺性圓滿。窮源極底。行滿果圓。故華嚴云。一切諸法性。無生亦無滅。奇哉大導師。自覺能覺他。肇師云。生死長寢。莫能自覺。自覺覺彼。其唯佛也。又曰。佛者何也。蓋窮理盡性。大覺之稱也。其道虛玄。固已妙絕常境。心不可以智知。形不可以像測。同萬

物之爲而居不爲之域。處言數之內。而止無言之鄉。非有而不可爲。無。非無而不可爲。有。寂寞虛曠。物莫能測。不知所以名。故強謂之覺。其爲至也。亦已極矣。天台智者大師嘗謂六卽佛。攝義尤廣。無機子敘其意爲之頌。

一、理卽佛頌

動靜理全是。行藏事盡非。冥冥隨物去。杳杳不知歸。

二、名字卽佛頌

方聽無生曲。始聞不死歌。今知當體是。翻恨自蹉跎。

三、觀行卽佛頌

念念照常理。心心息幻塵。徧觀諸法性。無假亦無真。

四、相似卽佛頌

四住雖先脫。六塵未盡空。眼中猶有翳。空裏見花紅。

五、分證卽佛頌

豁爾心開悟。湛然一切通。窮源猶未盡。尙見月朦朧。

六、究竟卽佛頌

從來真是妄。今日妄皆真。但復本時性。更無一法新。

據已上所述。則佛之爲名。本大覺之稱。有自覺覺他之用。無機子頌六卽佛。翻譯名義。載在佛陀解下。頌詞玄深。兼括修證之法。卽所以成覺之道。志於佛教者。不可不玩索之也。至於其詳。要待後論。惟佛是總名。自來覺。

者。同被斯號。及釋迦牟尼出。而後集過去一切諸佛之成。爲未來一切諸佛之宗。故言佛教者。專主釋迦牟尼。

釋迦牟尼。爲印度之刹帝利種。先是印度古來有四種姓。一曰婆羅門。Brahmana

卽僧侶。二曰刹帝利。Ksatriga 卽王族。三曰毘舍。Vaisya 卽農商。四

曰首陀。Sudra 卽賤族。當時婆羅門族最尊。掌國之教。及釋迦起。獨明正覺。始以婆羅門爲外道。佛教由此立焉。長阿含經。述刹利種姓相承之始。及於天地始生。言頗恢怪。然凡立教者。無不推宇宙創造之原。且關於釋迦族系。固不得而略也。長阿含經曰。劫初天地欲成。大水彌滿。風吹結構。以成世界。此世欲成。光音天福行命盡。來生爲人。皆悉化生。歡喜爲食。身光自在。神足飛行。無有男女尊卑。衆共生故。名曰衆生。有自然地味。猶如醍醐色。如生酥。味甜如蜜。其後衆生以手試嘗。遂生味著。漸成搏食。光明轉滅。無復神通。食地味多者。顏色羸悴。其食少者。顏色光澤。因有勝負。便相

是非地味消歇。咸皆懊惱。咄哉爲禍。無復地味。又生地皮。狀如薄麤。色味香美。後復食之。轉相輕慢。地皮又滅。又生地膚。因食多少。生諸惡法。地膚復滅。後有自然粳米。無有糠粃。不加調和。備衆美味。衆生食之。生男女形。互相瞻視。遂生欲想。共在屏處。爲不淨行。餘衆生見。咄哉非法。云何衆生有如是事。男子見他呵責。卽自悔過。自身投地。其彼女人。卽送食與之。扶之令起。因此世局。便有不善。夫主之名。以送飯與夫。名之爲妻。其後衆生。遂爲淫佚。爲自障蔽。遂造屋舍。以此因緣。世中立家。其後衆生。淫佚轉增。遂夫妻共住。其餘衆生。壽福行盡。從光音天來生此間。在母胎中。因此世間。有處胎生。爾時先造瞻波城。乃至一切城郭。自然粳米。朝刈暮熟。刈後隨生。未有莖幹。時有衆生。併取日糧。如是相效。乃至併取五日。粳米漸生。糠粃刈已不生。有枯株現。爾時衆生。懊惱悲泣。各封田宅。以分疆畔。其後衆生。自藏己米。盜他田穀。無能決者。議立一平等主。善護人民。賞善罰惡。

各共減割。以供給之。時彼衆中有一人。形質長大。容貌端正。甚有威德。請以爲主。於是始有民主之名。按樓炭經等所記。與此略同。刹帝利是王族。故遠託天地初成。以至民主所起也。

長阿含經又記初民主有子名珍寶。珍寶以下。又三十一王。各記其名。以至善思。善思以來。有十族轉輪聖王。相續不絕。第一伽菟。至第十懿摩。由此本緣。名利利種。各族或是兄弟支胤。繼世迭興。每王轉輪壽算。自十萬歲至百歲。總其世數。凡八萬四千二百一十聖王。仰尋白淨所承。出自懿摩。世世相纂。遂啟釋迦。雖年曆遐邇。莫可審詳。而溯厥由來。見於經論。粗述其略。俾可觀焉。

右記刹帝利種相承之始。然釋迦雖出刹帝利種。初姓瞿曇。後乃姓釋迦。十二游經。記瞿曇得姓之原。謂昔阿僧祇劫時。有菩薩爲國王。其父母早喪。讓國與弟。捨行求道。遙見一婆羅門。姓曰瞿曇。因從學道。婆羅門言。當

解王衣。

如吾所服。

受瞿曇姓。於是菩薩體瞿曇姓。

六

入於深山。坐禪念道。旋

還國界。吏民不識。謂爲小瞿曇。

於城外甘蔗園中。以爲精舍。會賊劫官物。

路山廬邊。明日捕賊。見舍下有迹。遂收菩薩。

以木貫身。立爲大標。血注於

地。復射殺之。大瞿曇天眼遙見。自遠至爲棺斂。

以泥團土中。餘血著置左

右器中。却後十月。血化爲人。左卽成男。右卽成女。

便姓瞿曇氏。仁賢劫來。

始爲當寶。如來釋迦越。自下二十五王。至於白淨。

此敍瞿曇受姓相承。惟

所記轉輪諸王。不同長阿含經。茲亦略焉。

長阿含經。又記釋迦六世祖始。姓釋迦氏。曰。乃往過去有王名懿摩。王有

四子。一名面光。二名象食。三名路指。四名莊嚴。其王四子。少有所犯。王擯

出國。到雪山邊。住直樹林中。其四子母。及諸家屬。皆追念之。卽共集議。詣

懿摩王所。白言。大王。當知我與四子別久。欲往看視。王卽告曰。欲往隨意。

時母眷屬。聞王聽已。卽詣雪山。至直樹林。到四子所。時諸母等。各爲其婚。

時母眷屬。聞王聽已。卽詣雪山。至直樹林。到四子所。時諸母等。各爲其婚。

時母眷屬。聞王聽已。卽詣雪山。至直樹林。到四子所。時諸母等。各爲其婚。

時母眷屬。聞王聽已。卽詣雪山。至直樹林。到四子所。時諸母等。各爲其婚。

時母眷屬。聞王聽已。卽詣雪山。至直樹林。到四子所。時諸母等。各爲其婚。

時母眷屬。聞王聽已。卽詣雪山。至直樹林。到四子所。時諸母等。各爲其婚。

時母眷屬。聞王聽已。卽詣雪山。至直樹林。到四子所。時諸母等。各爲其婚。

時母眷屬。聞王聽已。卽詣雪山。至直樹林。到四子所。時諸母等。各爲其婚。

時母眷屬。聞王聽已。卽詣雪山。至直樹林。到四子所。時諸母等。各爲其婚。

後懿摩王聞其四子生子端正。王卽歡喜而發此言。此真釋子。能自存立。因此名釋。在直樹林。故名爲釋。懿摩王卽釋種先也。按釋義言。能瑞應本起亦云。釋迦爲能。此四子因能命氏也。惟別傳云。此國有釋迦樹。甚茂盛。相師云。此處必出國王。因移四子立國。故號釋種。雖非經說。聊附異聞。已上旣明佛之爲義。及釋迦姓族所原。然當釋迦弘教之時。印度已頗有諸教。婆羅門最盛。而經論所斥。共有外道九十五種。華嚴經隨疏演義鈔。合九十五種外道爲十一宗。謂外道教文。傳習西域。不出十一宗。而九十五種外道。無不盡攝也。

一、數論師計冥諦生。從數起論。名爲數論。又論能生數。名爲數論。其造數論及學數論者。皆名數論師。計冥諦生者。百論云。從冥生覺。乃至神我。共成二十五諦。以前二十四諦。從神我而生。依神我爲主。謂神我常覺明了。常住不壞。攝受諸法。是故執神我是常。是一。是萬物。

因是涅槃因也。(二十五諦者。冥初自性諦。卽冥諦也。智大諦。卽覺也。我心諦。五唯諦。卽色聲香味觸也。五大諦。卽地水火風空也。五知根諦。卽眼耳鼻色身也。五作業根諦。卽口手足大便小便也。心平等根諦。神我諦。神我卽識神也。)

二、衛世師計六句生 梵語衛世。華言無勝。其人在佛前八百年出世。時人以其盡避聲色。匿跡山藪。夜絕視聽。方行乞食。有似鵲鷗鳥。故名鵲鷗仙人。及獲五通。遂說論十萬偈。謂證菩提。便欣入滅。六句生者。一者實。謂諸法體實爲德業所依。二者德。卽道德也。三者業。卽作用也。四者大有。謂實德業同一有也。五者同異。謂如地望地是同。望水卽異。水火風等亦然。六者和合。謂諸法和合。如鳥飛空。忽至樹枝。住而不去。法亦如是。由和合故。令有住也。(五通者。足不履地。知人心。命。回。眼。千里。呼名。卽至。石壁無礙也。)

三、塗灰計自在天生萬物。塗灰卽外道名。謂此外道計欲界第六自

在天。能生萬物。

四、園陀論師計那羅延天生四姓。梵語園陀。華言智論。梵語那羅延。

華言鉤鎖力士。謂其骨節鉤鎖而有力也。那羅延天能生四姓。謂口
生婆羅門。兩臂生刹帝利。兩脰生毘舍。兩脚生首陀。（四姓已具前
釋。又婆羅門本義爲淨行。刹帝利本義爲田主。毘舍亦云商賈。首陀
亦云農人。）

五、安荼論師計本際生。梵語安荼。翻無本際者。卽過去世之初際也。謂

此外道計世間最初有大水時。有大安荼出生。形如雞卵。後爲兩段。
上爲天下爲地。中生一梵天。復能出生一切有命無命之物。故計梵
天是生萬物之主也。

六、時散外道計物從時生。謂此外道自見草木等物。有時生華。有時

生果。有時作用。或舒或卷。合彼枝條。隨時榮枯。時雖微細不可見。以此華實等。則知有時也。

七、方論師計方生人人生天地。方卽四方。謂此外道。計四方能生人。能生天地。滅後還入於方也。

八、路伽耶計色心法皆極微作。梵語路伽耶。華言順世。謂此外道。計色心等法。皆從四大極微。能生羶色。雖是極微。其體實有。以世間羶物無常。極微之因不壞也。（四大者地大水大火大風大也）

九、口力論師計虛空爲萬物因。謂此外道。計從空生風。從風生火。從火生煖。煖生水。水生凍。堅作地。地生五穀。五穀生命。命沒還歸虛空也。

十、宿作論師計苦樂隨業。謂此外道。計一切衆生。受苦樂報。皆隨宿世本業所作。若有持戒精進。受身心苦。能壞本業。本業既盡。衆苦亦

滅。衆苦滅故。卽得涅槃。是故計宿世所作爲一切因也。

十一、無因論師計自然生。謂此外道。計一切萬物無因無緣。皆自然生。皆自然滅也。

陀羅尼集經。又有外道六師。以爲邪心見理。發於邪智。不稟正教。故名外道。輔行云。六師元祖。是迦毘羅。支派分異。遂爲六宗。（迦毘羅華言黃色）一、富蘭那迦葉。梵語富蘭那字也。迦葉因母之姓而爲姓也。其人起邪見。謂一切法斷滅。無君臣父子忠孝之道。名爲色空。外道以色破欲界有。以空破色界有。謂空爲至極故也。

二、末伽黎拘隄黎。梵語末伽黎。華言不見道字也。梵語拘隄黎。因母之名而爲名也。其人起邪見。謂衆生苦樂。不由自行而得。皆是自然而有。此計自然者。卽是無因。亦邪見也。（按此卽前第十一種）

三、刪闍夜毘羅胝。梵語刪闍夜。華言正勝字也。梵語毘羅胝。華言不

作因母之名而爲名也。其人起邪見。謂道不須求。經生死劫數。苦盡自然而得。又去八萬劫滿。自然得道也。

四、阿耆多翅舍欽婆羅。梵語阿耆多翅舍字也。欽婆羅。羶衣名。因以

爲名也。其人起邪見。非因計因。著羶弊衣。自拔其髮。以煙熏鼻。及五熱炙身。修諸苦行爲道。自謂今身併受諸苦。則後身常得樂也。（大

涅槃經有六苦行外道。一自餓外道。二投淵外道。三赴火外道。四自坐外道。五寂默外道。六牛狗外道。持牛狗戒皆修苦行者也。不復具詳。）

五、迦羅鳩駄迦旃延。梵語迦羅鳩駄。華言牛領字也。梵語迦旃延。華言剪髮姓也。其人謂諸法亦有相。亦無相。卽邪見也。

六、尼犍陀若提子。梵語尼犍陀。華言離繫。此外道出家之總名。梵語若提。翻無因母之名而爲名也。其人謂罪福苦樂。本有定因。要當必受。非行道所能斷。如此計者。卽邪見也。

諸經論多述及外道者。茲特舉其略而已。要之釋迦生於外道熾盛之時。而摧邪顯正。獨成大覺。遂使佛教不替于世。然外道亦多卓絕苦行。非盡苟然。釋迦不得外道資之於前。亦難以成就如此博大之一切種智也。

第二節 釋迦誕生爲白淨王太子

釋迦本行。其事頗違俗理。涉於荒怪。然大覺出世。不同凡人。諸教所宗。並多靈跡。故茲編所述。不敢率執恆軌。以律聖神。至於感應萬端。義著經典。悉依舊文。約而次之。宗教之史。本異餘科。常智所施。今無取爾。

釋迦生於印度之迦比羅皤窰都國。Kapilavastu 或又稱爲迦毘羅施兜。或曰迦維羅衛。或曰劫比羅伐窰堵。異名凡十餘。皆音譯殊文。實一地也。梵語迦比羅者黃義。皤窰都者城義。法顯佛國記曰。迦維羅衛國大空荒。人民希疎。道路怖畏。白象師子。不可妄行。玄奘西域記曰。劫比羅伐窰堵國。周四千餘里。空城十數。荒蕪已甚。王城頽圯。周量不詳。其內宮城。周十

四五里。疊甃而成。空荒久遠。人里曠稀。蓋至法顯玄奘往游時。勝境已頽圯如是矣。以今考之。其地當在波羅奈 Benares 之東北。普特羅 Patna 之西北。哥羅克堡 Gorakhpur 之近傍。近時浮來博士 Dr. A. Führer 則以佛誕生處在藍毘尼 Jumbhini 以其處有阿輸迦王（卽阿育王）所刻石柱久沒土中。千八百九十七年。浮來博士始發掘得之也。

諸經論中。記釋迦降生因緣。因果經曰。爾時善慧菩薩。功德行滿足。位登十地。在一生補處。近一切種智。生兜率天。名聖善白。爲諸天主。說於一生補處之行。亦於十方國土。現種種身。爲衆生隨宜說法。期運將至。當下作佛。卽觀五事。一者觀諸衆生。熟與未熟。二者觀時至與未至。三者觀諸國土。何國處中。四者觀諸種族。何族貴盛。五者觀過去因緣。誰最眞正。應爲父母。觀五事已。卽自思惟。今諸衆生。皆是我初發心已來所成熟者。堪能受於清淨妙法。於此三千大千世界。此閻浮提迦毗羅施兜國。最爲處中。